

Sakspapir

Saksbehandler	Arkiv	ArkivsakID
Oddvin Neset	FA - F24, FA - Q03	16/256

Saksnr	Utvalg	Type	Dato
004/2016	Råd for eldre og funksjonshemma	PS	08.11.2016
065/2016	Kommunestyret	PS	10.11.2016

Brøyting til eldre og funksjonshemma

Forslag til vedtak:

Eldre og funksjonshemma kan søkje Modalen kommune om brøytetilskot til privat bustad.

Tilskotet er behovsprøvd, og vert gjeve til:

- Husstandar med eit medlem og brutto inntekt under 3 G
- Husstandar med meir enn eit medlem og brutto inntekt under 4 G

Storleiken på tilskotet:

0-100 meter veg = Inntil kr. 2.000,- pr. vinter

Over 100 meter veg = Inntil kr. 3.000,- pr. vinter

Dersom fleire husstandar deler på vegen vert tilskotet gjeve forholdsmessig.

Saksopplysningar:

Bakgrunn

Modalen kommune har sidan 2006 hatt ei ordning med snøbrøyting til menneske som på grunn av helseplager eller funksjonshemming ikkje klarer dette sjølv. Tilbodet er ikkje ei lovpålagt teneste, og det er svært få kommunar som tilbyr dette. I fjor var det 11 husstandar som nytta tilbodet om snøbrøyting. I samband med budsjetthandsaminga for 2016 vart det bestemt at ordninga skulle avviklast frå våren 2016.

Vurdering.

Det er kome attendemelding frå enkelpersonar og frå Pensjonistlaget om at ordninga bør oppretthaldast. Dei ber kommunen vurdere saka på ny.

Ordninga har fungert slik: Brukaren får ein legeattest, og søker kommunen om hjelp til brøyting. Alle som leverer legeattest har fått brøyting. Kommunen tek kontakt med lokal entreprenør og avtaler

brøytning. Lokal entreprenør sender rekninga til kommunen, og kommunen sender krav om eigenandel til brukaren ein gong pr. md. I fjor vinter var eigenandelen på kr. 330,- pr.md. Når det er behov for tilbakemeldingar til entreprenør er det kommunen som gjer dette. Kommunen fungerer i praksis som eit mellomledd mellom lokal entreprenør og den som treng brøytning.

Kommunen har ei årleg nettoutgift med denne tenesta på 10.-15.000,- pr år. Det var såleis ikkje tungtvegande økonomiske grunnar for å avvikle ordninga. Det er meir eit spørsmål om kva kommunen skal bruke ressursar på, for ordninga har medført ein del tidsbruk for pleie og omsorgstenesta og for teknisk etat. Pleie og omsorgstenesta behandler søknadene, lager vedtak og krev inn eigenbetaling. Teknisk etat gjer avtale med entreprenør og føljer opp når det kjem tilbakemelding frå brukarane.

Dette er ei teneste som brukaren like enkelt kan ordne sjølv, gjennom privat avtale direkte med entreprenør, utan å involvere det kommunale tenesteapparatet. Det er fleire lokale entreprenørar som tilbyr brøytning, og dei fleste eldre og funksjonshemma har økonomi til å klare dette. Det er likevel ueheldig dersom bortfallet av denne ordninga medfører ekstra økonomisk byrde for dei som har låg inntekt. Det vert det difor føreslege å innføre eit tilskot til brøytning for dei med låg inntekt. Ei slik ordning vil ha ein meir sosial profil med tanke på at hjelpe går til dei som treng det mest. Tilskotet kan utbetalast som eit eingongsbeløp pr. brøytesesong, og vert vesentleg enklare å administrere.

Inntektsgrensa for tilskot er rekna ut frå Grunnbeløpet i folketrygda. Pr 1.mai 2016 er dette på kr. 92.576,-. Einehushald med bruttoinntekt under kr. 277.728,- og fleirhushald under 370.304,- kjem inn under tilskotsordninga.

Konklusjon

Eldre og funksjonshemma kan søkje Modalen kommune om brøytetilskot til privat bustad. Ordning er behovsprøvd ut frå inntekt.

Råd for eldre og funksjonshemma - 004/2016

REF - behandling:

Rådet for funksjonshemma drøfta saka. Nina Eidsnes kom med framlegg om 2 tilleggspunkt:

Kommunen skal syte for at dei som har vedtak frå omsorgstenesta om hjelp i heimen får brøytning.

Kommunen skal lage ei oversikt over kven som tek private brøyteoppdrag slik at den enkelte veit kven ein kan kontakte for brøyteavtale.

Samråystes tilrådd.

REF - vedtak:

Eldre og funksjonshemma kan søkje Modalen kommune om brøytetilskot til privat bustad.

Tilskotet er behovsprøvd, og vert gjeve til:

- Husstandar med eit medlem og brutto inntekt under 3 G
- Husstandar med meir enn eit medlem og brutto inntekt under 4 G

Storleiken på tilskotet:

0-100 meter veg = Inntil kr. 2.000,- pr. vinter

Over 100 meter veg = Inntil kr. 3.000,- pr. vinter

Dersom fleire husstandar deler på vegen vert tilskotet gjeve forholdsmessig.

**Kommunen skal syte for at dei som har vedtak frå omsorgstenesta om hjelp i heimen får brøyting
Kommunen skal lage ei oversikt over kven som tek private brøyteoppdrag slik at alle veit kven dei kan kontakte for brøyteavtale**

Kommunestyret - 065/2016

KS - behandling:

Assisterande rådmann orienterte om saka, samt om behandling og vedtak irådet for eldre og funksjonshemma som føreslo at det vart knytta følgjande to punkt som tillegg til rådmannen sitt framlegg:

Kommunen skal syte for at dei som har vedtak frå omsorgstenesta om hjelp i heimen får brøyting

Kommunen skal lage ei oversikt over kven som tek private brøyteoppdrag slik at alle veit kven dei kan kontakte for brøyteavtale

Etter drøfting av saka vart det røysta over desse alternativa som vart sett mot kvarandre:

Råmannen sitt framlegg med tillegg av:

Kommunen skal lage ei oversikt over kven som tek private brøyteoppdrag slik at alle veit kven dei kan kontakte for brøyteavtale

Vedteke med 8 røyster

Råmannen sitt framlegg med tillegg av:

Kommunen skal syte for at dei som har vedtak frå omsorgstenesta om hjelp i heimen får brøyting

Kommunen skal lage ei oversikt over kven som tek private brøyteoppdrag slik at alle veit kven dei kan kontakte for brøyteavtale

5 røyster og fall (Sigmund Vikane, Svanhild Moberg Nordaas, Roger Wilhelm Fure, Anne Britt Almelid, Nina Bolstad Eidsnes)

KS - vedtak:

Eldre og funksjonshemma kan søkje Modalen kommune om brøytetilskot til privat bustad.

Tilskotet er behovsprøvd, og vert gjeve til:

- Husstandar med eit medlem og brutto inntekt under 3 G
- Husstandar med meir enn eit medlem og brutto inntekt under 4 G

Storleiken på tilskotet:

0-100 meter veg = Inntil kr. 2.000,- pr. vinter

Over 100 meter veg = Inntil kr. 3.000,- pr. vinter

Dersom fleire husstandar deler på vegen vert tilskotet gjeve forholdsmessig.

Kommunen skal lage ei oversikt over kven som tek private brøyteoppdrag slik at alle veit kven dei kan kontakte for brøyteavtale

Vedlegg:

Gjeld snøbrøyting for eldre